



Publicaziuns dalla vischnaunca, jamna 16

Cussegl da vischnaunca

Il cussegl da vischnaunca seraduna *venderdis, ils 26 d'avrel 2013 allas 20.15* en casa communal a Mustér ad ina seduta.

Tractandas:

1. Protocol nr. 2-2013/2016
2. Saramentaziun d'in niev commember dil cussegl da vischnaunca
3. Elecziun complementara dalla cumissiun da gestiun
4. Elecziun complementara dalla cumissiun da baghegiar
5. Rapport da quen e gestiun 2012 (messadi nr. 1-2013/2016)
6. Ura da damondas

(conform ad art. 44 dil regulativ da fatschentas)

Il president dil cussegl da vischnaunca

Via Cavorgia

Muort lavurs da construcziun vid la via d'ual da Cavorgia (remplazzament dalla punt dil Rein a Cavorgia) vegn la via serrada naven *dils 29 d'avrel tochen ils 31 da matg 2013* per tut traffic, pia era per pedunzs. Quei naven dalla cruschada a Valzeinza entochen tiels mises ellas Cavorgias.

In sviament pil traffic ei pusseivels sur Sedrun–Cavorgia. Nus supplichein da prender enconuschientscha da quest avis per buca impedir las lavurs da construcziun.

Bien engraziament per la capientscha.
Uffeci forestal Disentis/Mustér

Carrar sin vias d'ual e vias funsilas

Sebasond sin la lescha forestala sco era il reglament da traffic basegna ei ina *carta da controlla* per astgar carrar sin las vias d'ual e las vias funsilas. Retscheiver ina carta annuala san:

- a) proprietari ed affittaders da beims immobiliars pigl access al schischom;
- b) furniturs, glied da professiun, guardiacomonas, concessiunaris (purtaders d'ina patenta cantunala ni communal) per praticar lur activitads.

La taxa persunter munta *frs. 100.–*. Cumpriu en quella summa ein duas cartas annualas (ina da quella ei transmissibla). Da niev sa la carta era vegnir retratga en fuorma d'in taccader (oravontut per motors e quads).

Taxas da carrar

Carta dil di frs. 15.–
jannila frs. 30.–
annuala frs. 100.–

Las cartas ein da retrer tier l'administraziun communal. Cartas dil di san, oravontut cura che l'administraziun communal ei serrada, era vegnir retratgas ella caffetteria dil Center da sport e cultura.

La polizia communal controllescha il carrar sin las vias d'ual e castigescha surpassaments.



Diever agricol

Per *maschinas agricolas* basegna ei *negina carta da controlla*. Pil diever agricol cun auters vehichels sto vegnir retratg tier l'administraziun communal a ina carta da legitimaziun. La taxa persuerter munta a frs. 20.–.

Attenziun

Las vias d'auul e las vias funsilas vegnan oravontut la primavera, cura ch'il terren entscheiva a sgargliar, strapazzadas il pli fetg. Ord quei motiv supplichein nus da carrar sin las vias *cun il duiu risguard*. – Bien engraziament per la capientscha.

Suprastonza communal Disentis/Mustér

Nr. 2013-1019 – Procedura d'approbaziun per installaziuns a current ferm

Exposiziun publica dils plans

Datum da publicaziun: ils 19 d'avrel 2013

Il patrun: Repower Ilanz AG Via dil Glogn 22, 7130 Ilanz/Glion

Il representant: Inspecturat federal da tensiun aulta Luppmenstrasse 1, 8320 Fehraltorf

Objects: Nr. da project L-220889.1 Lingia da 60 kV denter la sutstaziun da Disentis/Mustér e la centrala Russein (nord)

Ils documents da publicaziun ein exponi naven *dils 19 d'avrel entochen ils 21 da matg 2013* en las vischnauncas pertuccadas. En la vischnaunca da Sumvitg tier l'administraziun communal, Quadras su 5, 7175 Sumvitg. En la vischnaunca da Disentis/Mustér en casa communal a Mustér (local nr. 10), Via Cons 2, 7180 Disentis/Mustér, mintgamaì durent las uras da spurtegl.

La publicaziun succeda el senn dils art. 42–44 dalla lescha d'expropriaziun (EntG; SR 711).

Interessents el senn dallas prescripziuns dalla lescha davart proceduras administrativas (SR 172.021) ni dalla lescha d'expropriaziun san inoltrar protestas enteifer il temps dalla publicaziun officiala. Las protestas ein d'inoltrar agl inspecturat da tensiun aulta (Planvorlagen), Luppmenstrasse 1, 8320 Fehraltorf. Tgi ch'inoltrescha negina protesta ei exclud dallas proceduras suandontas. Pretensiuns en connex cul dretg d'expropriaziun sco era pretensiuns davart indemnizaziuns finanzialas ni materialas ston vegnir fatgas valer enteifer il temps dalla publicaziun officiala. Protestas ni pretensiuns posteriusas el senn dils art. 39–41 dalla lescha d'expropriaziun ein medemamein da drizzar agl inspecturat da tensiun aulta.

Inspecturat da tensiun aulta, Planvorlagen Luppmenstrasse 1, 8320 Fehraltorf

Disentis/Mustér, ils 15-4-2013

Uffeci d'energia e traffic dil Grischun

Provediment d'energia



**Corporaziun megliuraziun squadra Segnas
Invit alla radunonza generala 2013**

Glendisdis, ils 22 d'avrel 2013 allas 20.15 en casa da scola, Segnas.

Tractandas:

1. Beinvegni
2. Elecziun d'in dumbravuschs
3. Prelecziun ed approvaziun dil protocol 2012
4. Rendaquen e rapport dils revisurs
5. Orientaziuns
6. Taxas annualas
7. Salarisaziuns
8. Program da lavur
9. Varia

A stedia participaziun envida
la suprastonza

Rimnada da pupi

Venderdis, ils 26-4-2013

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziell.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00).

Bien engraziament per Vies agid e sustegn!
Scolas Mustér, Ch. Berger

**Casa da tgira Sursassiala
Investa dil niev baghetg**

sonda, ils 4 da matg 2013 dallas 13.30–15.00

Suenter liungas e stentusas preparativas eis ei stau pusseivel d'entscheiver il settember 2011 cun las lavurs (spazzada dalla casa Sogn Gions) per l'engrondaziun e la sanaziun totala dalla Casa da tgira Sursassiala a Mustér. Las lavurs s'avonzan tenor program ed ils responsabels speran da saver terminar quellas entochen la fin da quest onn.

Cunquei ch'ei settracta d'ina impurtonta ovra sociala vul la fundaziun dar alla populaziun sonda, ils 4 da matg 2013 naven dallas 13.30–15.00 la pusseivladad da prender investa dallas lavurs e dar ina eglia da davos las culissas.

Fundaziun Casa da tgira Sursassiala



Apparats d'udida

Gliendisdis, ils 29 d'avrel 2013 saveis Vus schar schubergiar e regular Vies apparat d'udida el Center da sanadad Sursassiala SA a Mustér che sesanfla en claustra ed a Curaglia. A Mustér ei il liug signa-lislaus:

a Mustér naven dallas 14.00 tochen ca. las 15.15
a Curaglia naven dallas 15.30 tochen ca. las 16.30.

L'unien Pro Audito Chur, cun Arthur Jacomet fa quei survetsch per tuts interessents gratuitamein.

Cordial invit
Center da sanadad Sursassiala SA

Producziuns finalas Movis – Moviment e sault per affons e giuventetgna

Las 10 gruppas d'affons e giuventetgna da Mustér e las vischnaucas vischinontas presentan lur coreografias ch'ellas han exercitau duront igl onn da sault 2012/13.

Cu? Venderdis, ils 19-4-2013 allas 20.00
sonda, ils 20-4-2013 allas 20.00
dumengia, ils 21-4-2013 allas 14.00

Nua? Halla Cons, Mustér

Tanzaufführung Movis

Die 10 Kinder- und Jugendgruppen von Disentis und Umgebung präsentieren ihre Choreografien, die sie während des Tanzjahres 2012/13 einstudiert haben.

Wann? Freitag, 19.4.2013, um 20.00 Uhr
Samstag, 20.4.2013, um 20.00 Uhr
Sonntag, 21.4.2013, um 14.00 Uhr

Wo? Halle Cons, Disentis

Sin Vossa viseta selegan *ils Movis*

Calender d'advent 2013

Il calender d'advent, cun decorar finiastras, vegn menaus atras il 2013 a Mompé-Medel.
Informaziuns: P. Müller, tel. 081 947 55 70.

Zambergiar per affons pil di dalla mumma (Basteln zum Muttertag für Kinder)

Datum: Sonda, ils 11 da matg 2013, 9.30–11.00
Liug: Center sursilvan d'agricultura, Via Lucmagn 31, Disentis/Mustér (www.agricultura.ch)
Menadras: Patrizia Cabernard e Cornelia Berther

Affons sut 6 onns mo en accumpnament d'ina persuna carschida.



Annunziat entochen igl 1. da matg 2013 tier:
Cornelia Berther, tel. 081 949 13 74 ni e-mail: baseli.berther@kns.ch.

**Secziun da catschadurs Péz Alpetta
Radunonza da tgir**

Venderdis, ils 26 d'avrel allas 20.15 el hotel «La Furca».

**Societad sempla Alp Run Mustér
Preavis – Radunonza generala**

Gliendisdis, ils 27 da matg 2013 allas 20.00 el hotel «Cucagna», Mustér.

**Gruppa da teater Mustér
Invit alla radunonza generala**

Venderdis, ils 3 da matg 2013 allas 20.15 ell'ustria «Cresta» a Segnas.
Havessas ti plascher da far teater, ni lessas gidar davos las culissas? Lu eis ti beinvegnius quella sera, ni che ti sas era s'annunziar tier sigisbeer@postmail.ch.